

TRUMS anjur Program Kepimpinan Global

NST 12.12.17 8

KOTA KINABALU: Kelab Pelancongan Universiti Malaysia Sabah (TRUMS) baru-baru ini menganjurkan Program Kepimpinan Global (GLP) bertempat di Hotel Lab, Fakulti Perniagaan, Ekonomi dan Perakaunan UMS.

Pengarah program, Zarsha Chong berkata, program itu mendapat penyertaan seramai 35 pelajar dari 10 fakulti yang terdapat di UMS.

“GLP antara lain memberi pendedahan tentang kemahiran teknik berkomunikasi di peringkat global sebagai persiapan untuk para pelajar menghadapi cabaran terkini dalam pasaran kerja.

“Justeru, ini merupakan satu peluang yang baik untuk para peserta menambahkan kemahiran insaniah sekali gus menjadi graduan yang berdaya saing apabila menamatkan pengajian kelak,” katanya yang juga merupakan Ahli Majlis Perwakilan Pelajar bagi Kerusi


Fakulti di FPEP.

Program sehari itu menyaksikan tiga pensyarah FPEP yang berpengalaman dijemput sebagai penceramah jemputan.

Mereka ialah Dr. Awangku Hassanah Bahar Pengiran Bagul, Mohd. Rizwan Abdul Majid dan Datu Razali Datu Datuk Eranza yang membicarakan topik Etika Perniagaan Global, Etika dan Tatacara Makan serta topik Komunikasi Rentas Budaya.

Kesemua peserta kemudiannya turut menjalani praktikal etika dan tatacara makan dengan mengaplikasikan pengetahuan yang diperoleh pada acara makan tengahari yang disediakan pelajar Program Pengurusan Hotel di Restoran Hotel Lab, FPEP.

Dalam pada itu, Penasihat TRUMS, Dr. Tini Maizura Mohtar berkata, pengajuran program tersebut adalah satu platform yang baik untuk



KENANGAN Para peserta bergambar kenangan.



TAKLIMAT Para peserta sedang mendengar taklimat daripada Dr Awangku Hassanah.

meningkatkan keyakinan dan kemahiran insaniah pelajar.

“Atas dasar itu, kemungkinan besar program ini kita wujudkan satu modul untuk menjadi ia sebagai program tahu-

nan anjuran TRUMS,” katanya.

Hadir sama pada program itu, Timbalan Dekan (Hal Ehwal Pelajar dan Pascasiswazah) FPEP, Dr. Kamisan Pusiran.



UNTUK ALBUM ... Ahli Parlimen Libaran, Datuk Juslie Haji Ajirol (tiga dari kiri) bersama Presiden Pesaka Negeri Sabah, Datuk Haji Iliyas Hj Ibrahim dan beberapa jawatankuasa tertinggi pertubuhan merakamkan kenangan dengan pesilat-pesilat Keningau yang mengungguli acara regu putera sekali gus meraih pingat emas sempena temasya Sukan Sabah (SAGA) VIII, Sandakan 2017.

Majlis penyampaian pingat yang disampaikan oleh Juslie telah pun berlangsung di Dewan SMA Tun Juhar pagi kelmarin yang menyaksikan kontingen Keningau menyerlah pada hari pertama temasya bermula 9 - 15 Disember ini.

Keningau merangkul 6 pingat emas dan satu pingat perak menerusi atlet Mohd Aman Jinli (Solo Kreatif Putera), Merrywati Manuil (Solo Kreatif Puteri) dan Jikoloney Didacus (Perak, Jurus Tunggal Putera).

Misto Pancestius / Bit Buding (Ganda Putera), Merrywati Manuil / Refachie Lanusag (Ganda Puteri), Cirron Kimsun, Jikoloney Didacus dan Rolick Ralin Raubin (Regu Putera) serta Sarinah Dullah, Nurshila Kinson dan Siti Rapih Ali Hanapia. - OLEH ROZZALIN HASHIM